

Энг катта илоҳий шифохона сизга ўз эшикларини очади



08:35 / 09.06.2019 3967

Аллоҳ таоло сизни Ўзига қайтариш учун касал қилади. Агар Унга қайтсангиз, касалликни аритади. Ахир, энди унга ҳожат йўқ-ку!

Сизни тавозели бўлишингиз учун бемор қилади. Агар сиз тавозели, хокисор бўлсангиз, беморликни сиздан нари қилади. Чунки, энди унинг кераги йўқ!

Сизга ўзингиздан бошқаларни ҳам ҳис қилишингиз учун дард юборади. Агар сиз ўзингиздан бошқаларни ҳам ҳис қила бошласангиз, дардни сиздан йироқ қилади. Зеро, дарднинг энди фойдаси йўқ!

Сизга сабрингиз ва тақдирга розилигингизни синаш учун хасталик жўнатади. Агар сиз сабр қилсангиз ва унинг ҳукмига розилигингизни ошкор қилсангиз, хасталикни сиздан кетказади. Чунки энди у бу ерда кераксизга айланиб қолди!

Қабулига кириш учун олдиндан қабулга ёздириб қўйишингиз, муолажа учун махсус рухсатнома олишингиз ва қабулга тахминан чорак соат аввал келишингиз шарт бўлмаган Шофий Зот Аллоҳ таолодир!

Сиз фақатгина «Аллоҳ» десангиз бас, энг катта илоҳий шифохона сизга ўз эшикларини очади. У шифо, раҳмат, қудрат ва лутф шифохонасидир.

Islom.uz портали таҳририяти